

綠筠書屋詩鈔

綠筠書屋詩鈔卷五

閩縣 葉觀國 毅菴

嶺右集

起乾隆壬午十月訖乙酉六月

奉 命督學廣西紀 恩述懷六首

秋闈玉尺忝分持拜 命重叨校士司萬里星輶臨桂  
海三年絳帳憶滇池延英召對

天容霽宣政頒麻 制勅隨慚愧 恩私難報稱飲冰

集木是心期

繫門官馬向風鳴騶從翩翩出鳳城作吏不離香案貴  
書銜應勝玉堂清盧溝水落秋經盡灰洞塵高日久晴

遙喜前途歸使節時時林下一班荆時奉使諸君皆先後還朝

十年五度奉 恩光出入頻經楚豫疆傳吏來迎多舊

識館人相見道勝常摩挲驛壁留題在指點郵亭記憶

詳周道今方趨八桂征夫舊已涉三湘觀國蒙國恩自乾隆癸酉至壬午十年之中嘗典河南湖北湖南試事督雲南學政今又赴廣西驛路皆山豫楚一帶也

陽朔山川古所誇圖經先為討幽遐宗元自喜尋愚谷

靈運還能賦永嘉五管星辰懸嶺外三江煙水極天涯

承平文化涵濡遠定有英才煥物華

天入衡湘過雁疎高寒回首跋金除甃辭龍尾趨

朝路仍載牛腰插架書茅店板橋霜落後鞭絲鈴馭月

斜初浮雲未受君誨誥兩度輜輶趁傳車

僂指周星別故園望雲幾斷宦遊魂

君恩重許操衡鑑臣職兼能奉清溫國小人文宜短拙  
邦鄰風候審寒暄此行何限毛生意已辦輕軒候里門

望南岳二首

拔地盤空翠萬重火維重鎮肇虞封但看泄霧噓雲態

不辨朱明紫蓋峰丹柱粉牆垂祀典玉書金簡闕仙蹤

無因拄杖層岡頂極目湖湘一盪胸

韓詩噴雲泄霧藏半腹又粉牆丹柱

勛光移柱詩未暇杖崇岡皆咏衡岳也

喬嶽寰中記五山曾瞻嵩岱豫青間修途每悵成牽迫

杜望岳詩  
追限修途

俗駕終慙阻接攀長羨高人耽霧隱偏饒  
廟令伴雲閒他時擬鼓湘江柁九面蔥蘢飽看還

按試外郡舟發灘江

下馬登舟宿水濱空濛江靄曉徐分未披人士珠璣句  
先覽山川錦繡文閃閃旌旗交樹影嘈嘈金鼓散鷗羣  
平生最有臨流興閒扣篷牕坐日曛

崑崙關懷古

崑崙粵天險西南資鑠鑰山爲馬耳尖路作羊腸惡偏  
仄等轆轤崎嶇疑劍閣一夫當關守千軍不戰卻廣源  
昔唱亂邑管困屠掠師出或與尸詔寬猶負約伏波逝

已久銅柱氣蕭索桓桓狄武襄勝算運帷幕趨敵所不  
意夜半度巘嶸將軍自天降鼓角從地作羣酋睡夢中  
一一驚受縛回營揖將佐燈酒猶閃爍功成蔡州速名  
豈天山忤不肯祖文惠終當配衛霍我生冠儒冠六鈞  
慚一拓驅車過戰場弔古掉筆橐欲磨百尺崖爲勒希  
世畧長嘯引清風秋聲起林薄

自鬱江抵麗江舟中作

鬱江在南寧府  
麗江在太平府

篷牕兀坐曉鈎簾水色山光眼底兼異俗睢盱連犵狁  
滄波潏潏納滇黔秋花更比春花豔冬日長如夏日炎  
薄暮繫船何處所前村煙火有茅檐

謁伏波將軍祠

在橫州

蓋代英名耿賈儔東除西盪更蠻陬樓船跨海威聲遠  
銅柱臨邊姓字留毒霧他時思浪泊讒言終古恨壺頭  
嶠南是處存祠廟也似滇中奉武侯

過伏波灘

難向蛟宮測疑從虎口過倉皇愁手腳張大助風波出  
險驚心定瀕危往事多回思建溪惡歸路更如何

潯江阻風卽事四首

舶趠狂飈勢未停長江如帶豈陰暝一冬無雪寒猶嫩  
盡日橫舟雨自零歲晏關懷驚髮白地偏相對但山青

今朝犀首真無事犯卯頻教倒醉醺

朝來前路有逢迎無那風波不可行山鳥喚人聲格磔  
驚瀧問吏意屏營蕭騷老樹頻掀舞簸蕩連舟自戛鳴  
卻羨灘頭垂釣叟隨身苓箸守柴荆

嘯谷鳴條晚更豪江間長日斷來艘漸添料峭寒威緊  
轉覺喧飈雪浪高庚癸呼人時揲釜丙丁書帖漫濡毫  
平江司馬如先識准備厨空致蟹螯

先兩日過平江郡丞黃君致酒茗及

醉蟹  
數事

牛遲車駛事難齊九日灘頭語可稽

古謠九日灘頭風坐一日行九灘

定漸看雲擘絮舟輕還喜水平堤林煙多處窺藤峽嵐



翠光中辨石梯彈指潯陽樓閣現前帆已落秀峰西

山獨秀峯皆在潯州府城西潯陽樓在城南

### 哭吳侍讀雲巖鴻二首

惡耗傳聞竟不差千行涕淚洒天涯百年知己如君少

同榜聯名得汝華

辛未狀頭

醉裏騎鯨身似葉

聞君是日方劇飲大醉就

寢遲明家人啓扉而入則已逝去

平時繡虎筆生花人間莫訝脩文事

噩夢先成客歎嗟

聞君卒之夕有夢翰林署中驛導呵呼云是吳狀元某赴土地任明晨其

人入署與同官述此夢有頃來報吳侍讀於昨夜卒相與嗟歎久之

盍簪猶記楚江湄十日爲歡酒共持驛路再來交臂失

庚辰余奉

命典湖南試君時爲學使撤開後讌飲留

連比壬午冬余赴廣西學政任君任滿入都意途中定

可一面而君自長吟壇從此賞心誰長生極貴誠難事  
沙登舟遂致相左  
斷墨遺文重異時七十如今真過半重拈詩句念衰遲  
君嘗和余生日詩有七十眼看  
君過半卅年心憶我從頭之句

詩老黃丈輩田

任

昨歲壬午年登八十重與鹿

鳴之宴爲梓里盛事寄贈長句兼簡心菴惠同

### 年四首

閩江粵嶠隔風煙寤想幽人意渺然海內詩家山谷在  
漢廷循吏潁川賢誅茅種秫高情遂啓秀披華好句傳  
便似溪南辛老子相從無計託吟箋

元遺山詩愛殺溪南辛老子相從何

止十年遲謂  
辛敬之也

自昔詩翁作壽翁天寬歲月策吟功丹爐不用庚申守

蕊榜重看甲子同弧矢屏間開八表笙歌堂上聽三終

一時傳誦陽春曲種樹操錢句最工

黃丈生日詩有操錢再至王承福種

樹重來郭橐駝之句

跌宕風流輓近稀吟壇月榭羽觴飛鶯花暇領新歌隊

鰕菜長觥舊釣磯篆校古碑逢脈望書抄石室守靈威

何當問字時攜酒率追風塵與願違

仲容才藻握靈蛇

謂心卷同年

交分同攀月地花牀下拜會

親叔度座中席欲附侯芭精鏘千莫千爐火錦簇桑榆

一段霞寄語羣兒休撼樹金針未肯度君家

今年正月十月舉兩男子戲作

商瞿四十意茫然今歲徐卿喜欲顛桃葉柳枝俱放萼  
熊兒驥子儼隨肩連珠入掌客相賀再索皆男我未孱  
搏土爲人信兒戲得來何必費雕鐫

有感

剛柔齒舌判存亡李下瓜田要忖量預恐伯仁招物忌  
果看馮衍挂彈章歸愚漸與夷途近守默偏於偶俗良  
折臂成醫言有味從來宦海歎望洋

鬱林雜詠五首

石柱坡頭曉日明鬱林觀外午風輕蘆芽剌剌白鷗起

葛葉陰陰黃鳥鳴

名勝志石柱坡在州南三里相傳馬伏波立鬱林觀唐時建葛布爲鬱產

城市山林志勝幽星移物換跡難求若爲捲取波千頃

一向西甌池上遊

名勝志西甌池在郡西州志云舊有橋曰城市山林今已淤塞

翠羽明珠嶺外多空舟載石獨如何不須但羨傳家笏

臨頓門前尚岌峨

名勝志陸龜蒙居臨頓里其門有巨石卽鬱林石也唐書龜蒙傳亦云

羅浮勾漏並丹邱藥鼎砂牀勝蹟留兩地圖經爭抱朴

豈知葛令化廉州

東坡與王定國書云葛稚川求爲勾漏令而竟化於廉州勾漏今之北流

縣也

梓澤邱墟幾劫塵綠羅山下草仍春量珠可買傾城色

難買同心共命人

名勝志博白縣綠羅山下有綠珠村

博白令林遜齋貽蕉葉端硯賦詩寄謝

羚羊峽南石君家

坡公謂硯爲石君

水巖所產難疵瑕翠羽黃

龍材不一最先蕉葉并青花割雲片片作書硯出谷淦  
淦涵天葩楮生毛穎得良偶紗帷斐几增光華邇來六  
盤喪混沌山骨詎足供撿爬千金何處購璋璧三灾或  
乃招揄擲况我酸寒寡長物有硯麤足資畊畝琳腴結  
鄰不易致松花江綠徒咨嗟林侯何年得此石贈我奚  
遡百朋加水紋隱起亘金線春葉半捲抽蕉芽整齊裝  
配髹匣滑珍重包裹綾袱斜殊尤得一可當百餘者碌  
碌真塵沙穠秕紅絲唾石末僅隸洮河奴永嘉鳳咮龍

尾漫軒輊鼉磯雀臺從矜誇攜歸芸閣賦雲物留伴蠹  
簡牋蟲鯁注泉貯墨起煙霧濡毫落紙騰龍蛇作詩致  
謝永爲好急裁銘語書硯礪

校士鬱林有諸生楊子龍年八十精強如五六

十歲人此他時人瑞也詩以紀之二首

行年八十見方瞳試席深叢一老翁矮屋邐迥風味熟

生自云應秋  
試二十度

橋門翔步輩行空眼明尚作蠅頭字穎脫

曾看蟻戰雄自是昇平人獻瑞不須大藥服銀筒

家在仙山勾漏旁洞天日月倍舒長絳衣守宅無尋斧  
朱雀生花有秘方齒落張蒼難說健語艱伏勝未稱強

怪他席帽猶隨隊擬學磻溪釣玉璫

鬱林試院卽景

三分春去一分春出鵬鷖寒候未勻邀勒好花風浹夕

破除佳節雨連旬

上元遇雨

身如庭際籠禽嬾心似窓前砌

草新漫說嶺南梅萬樹巡簷不見暗香塵

楊妃井

在容縣雲陵里楊貴妃生於此

粵中雙井水漣漪

博白縣有綠珠井

生女如花並異姿一旦驚

風俱委地馬嵬何似墜樓時

藤縣夜泊

松崖芹澗想清幽石髮林衣晚翠浮那是古時居貶謫



地經名士總風流江禽夜靜依船槳嶺月更深下堞樓

我忝

國恩聊此宿不同流落到藤州

藤縣南山有松崖片澗諸勝宋

之間發藤州詩石髮  
綠溪長林衣拂地輕

積雨歎

江頭落帆日向晡千峰新沐輕嵐紆上有飛瀑如跳

平聲

珠夜雨欲來江模糊船燈風亂喧菰蒲雨聲瀑聲相鳴

于此雨連綿一月逾豈惟行旅憂潦塗過分兼亦傷農

夫銀濤十丈趨蒼梧挽舟上水愁齟齬一雨更添水力

靡三程倍作六程迂盤餐市遠對空厨傾筐倒篋聊支

吾造物試手困我徒昭潭渺渺天一隅使君身能飛渡

無道難何必蜀中乎

邪許行

撐舟上水如上天進難退易停灘前憑仗雙篙作手脚  
齊聲一力爭登先初如鶴啄腰折磬終作馬踏身仆舫  
豈無長纜不得用一絲嫋嫋層崖巔破衫汗浹風已凜  
禿鬢霜染貧誰憐問渠豈不惜筋力受傭已得官家錢  
祇傷蚤作尚枵腹敢憚効命從賴肩官人夢回一欠伸  
猶嫌邪許聲喧闐

陽朔舟中

客談陽朔山聞者譁然起

北夢瑣言  
楊蘧事

人情習目見未達

變遷理山川有開關

皇化無遠邇四瘴漸已消五管平如砥古時稱惡地今

日盡仁里我來採風謠勝概寄遊履昔言信不謬涉春

乃更美繡山似繡成畫山真畫裏

繡山與臨桂接界畫山在縣北五十里

吮墨倩大癡著色煩小李一重一掩峰五日十日水連

延百里內怪偉筆難紀世士說蓬壺弱水恨無底豈知

金銀闕元在人間耳武陵記最詳持贈宦遊子

唐吳武陵作陽

別縣廳壁記

謁羅池廟

在柳州府城內

天爲蠻區翦棘榛特教宗匠牧邊民是非未靜波瀾口

慈惠終爲正直神丹荔黃蕉仍蒲穆瓊琤玉珮自嶙峋  
卽今搖落龍城柳春至依然颺麴塵

謁劉司戶祠

在羅池廟側

攬轡澄清意結悃萬言策奏萬人傳中官本自仇元禮  
漢帝何能用廣川異俗羈留終隕落荒祠鄰並有名賢  
昌平舊里神京近瞻拜衣冠記昔年

校士南寧觀察壯屆遠德先生時時餉遺飲食

賦詩爲謝六首

佛手柑

嘉實霜橙族駢連指爪多香疑聞薝蔔名不愧兜羅淨

合晶盤供輕宜玉手搓枸櫞風格下拌蠟待如何

香櫞亦名

枸櫞見

羣芳譜

黃芽白菜

種水北地

好種誇安肅駢頭載小車菹香封雪裏芽嫩煮霜初馬

面名元重羔豚品不虛

清異錄有馬面菹蘇詩自菹類羔豚菹俗云白菜也如何

邕管地風味似京居

嘉魚

惟南寧府江中有之

汕汕臨江遠喁喁鼓沫寒美元知丙穴鮮恰佐辛盤澗

鯽膏腴少河鮑沈澗難香杭炊正熟飽送為加餐

東坡漢賦

魚詩香杭飽

送如填豎

海蟹

名號蟾蜍古鮮腴敵蟹胥肥登新雪候深撈落潮餘解  
縛心先醉持螯興久踈因渠念鄉國不獨爲鱸魚

洋酒

琥珀浮杯面椒蘭散座間釀知西法秘遞想海航艱盜  
益春生髓溶溶暈上顏夜深批點倦一呷起衰孱

醉蟹

輪囷填酒海磊落枕糟邱風品樽前重酸鹹味外求將  
糖嗤古法入市記新秋嘗罷親封識吾將佐夕饌

家君性

嗜蟹

寄懷何郎中念修達傷時罷湖南按察入京仍

掌選曹事

使問殷勤喜接疆左官君忽別衡湘風波暫累城門火  
雨露仍分粉署香薄笨車還趨曉闕長腰米可載歸  
艎明年我亦東華去把袂重聯鷁鷺行

目昏

君不見安豐皎皎眼如電仰視陽鳥初不眩又不見孝  
穆雙眼轉青精十行齊下騰英聲功名富貴天所畀神  
彩自與凡夫異玉堂視艸蓮炬紅黑光著紙明雙瞳王銍  
記杜祁公及王介甫事未要金篦刮眼膜何須冰鏡蒙方空我生

今年四十五渥丹變盡顏如土已歎星星鬢有霜更怪  
茫茫花著霧自分驚秋蒲柳軀定非大厦棟梁需黑花  
早抱鰥生疾黃閣那容鼠目徒吾聞眼者身之鏡視煩  
鏡昏眼則病得非爾來日閱三千牘坐使五輪失清淨  
又聞目與腎相連號稱銀海字英元河車挽水求傳法  
琉璃沆瀣虧天全文章雕蟲真小技可憐老作蠅頭字  
會當服食薇蕨起衰頑不然還恐白日熟視昧泰山

上元夜潯州試院作

一樽佳節漫相酬簫鼓通衢夜未收民樂應知歌五袴  
時和先爲慶三秋新泥不礙鈿車出細雨偏宜火樹稠



卻憶鄉閭年少日遺簪墜珥趁遨頭

自題所藏墨

李趙張遇世無有何人藝苑稱墨仙麝煤鯉胞材易襍  
龍文劍脊形徒妍永寧里第毀已久易水方法今誰傳  
曹家紫玉出近代典型未墜能精專金壺飽貯青麟髓  
元霜細搗蒼虬煙瀋谷光輝何足道

山谷謂瀋谷墨光輝有餘而不甚夥

黑仲將點漆未或先我貧囊橐寡儲蓄半生事業耕書

田淡交時自友毛穎薄力猶可致陳元翰困翠餅溢巾  
衍礪硎烏玦羅書筵區區未屑珍一鉅琅琅何止支州

年蘇詩此墨足

魚牋鳳咮獲儕偶蠅頭螭尾墻光鮮連

支三十年

城坐擁羣峰玉萬貫不羨纏腰錢世間貴賤區所遇豈  
惟人爾物亦然念汝姿材詎復下愧我手筆非如椽草  
元視草等入用聲價寧免雲泥懸豹囊終恐吐光恠龍  
賓一旦騰雲天

遊龍華寺

在潯州府城西思陵山

出郭已欣人境隔近山先識上方幽病僧老共白雲住  
小閣高臨碧樹稠對座屏開連洞府環城帶互滙江流  
坐餘更動高山慕照眼羅叢阻溯遊

名勝志羅叢者在府城西南相傳二

程子築臺  
讀書于此

五雜組九首

五雜組繡衣裳往復還江上航不得已離故鄉  
五雜組金車裊往復還古渡津不得已逢惡人  
五雜組清溪石往復還大道驛不得已見俗客  
五雜組綺羅縠往復還轉祿磚不得已修邊幅  
五雜組花蝴蝶往復還長廊廡不得已乞米帖  
五雜組上林花往復還宮中鴉不得已在人  
五雜組旌旗閃往復還迴紋簟不得已轉笑臉  
五雜組銅山銅往復還汲水筒不得已稱老翁  
五雜組流蘇結往復還譖婦舌不得已犯風雪

遊勾瀾洞

稚川仙去齡逾千勾漏山在世仍傳洞天冥冥落蠻獞  
白砂寶圭誰周旋我來邕管歲再遷欲採丹砂空泝沿  
塵容擾擾心自憐北流茂宰語通元約我往遊循東阡  
攜壺挈榼具几筵同行數子相後先靈寶觀前停轡驂  
是時三月花嬋娟綠莎軟襯青鞵新初歷礬益挨背肩  
兩夫束縵雙炬燃轟雷啓路巖谷顛凡入洞皆先燕紙炮縱觀流  
眄呀且嗎何年鬼工施雕鐫擎攫獅象翔鵬鷖幢幡婀娜  
旒旒旆翾瓔纓巾拂盂餅盆祖師趺坐羅漢躡紫童金  
節玉女輶皆石乳所結成者千狀萬態雄而妍天梯飛空石棧  
連盈盈一水不可前無人指導空迴邇側聞此洞邃以

延玉虛瓏璫通玉田玉虛玉田皆洞名石花如瓊開堯年蟠桃

韜真牀几聯洞中有蟠桃室韜真觀厓頂細葉抽青蓮清溪竊黝

如雷淵雲樅可泛纜可牽匆匆安得窺其全裴羆聊訂

他時緣竊怪道書錄洞天署置廿二母乃偏牟珠偈仄

青華堙飛雲白雲殊彋彋牟珠洞在貴定縣青華洞在雲南縣飛雲洞在黃平州白

雲洞在崇善縣余皆嘗遊其地不知遊者幾感賢山高水長徒漠然羅

浮白水珠江邊坡老縱遊垂詩篇飄飄凌雲語欲仙援

毫我愧非如椽歸來衣袂攜雲煙

自北流至藤縣舟中襍詠五首

清江百里少人村樹自榮春鳥自言怪底眉波濃似染

洞天分翠送潺湲

松棚竹屋點塵無  
牧豎漁郎近可呼  
若使荆關來作客  
一程合染一長圖

三板蠻船十斛輕  
一人把柁兩人撐  
縱愁面壁終朝坐  
猶勝肩輿千里行

江有源流難問派  
山無名號總殊形  
嶠南瑣記牛毛似  
誰爲酈元補水經

怕熱都將小扇揮  
火輪才斂作寒威  
嶺南風候真難準  
經暖重求禦臙衣

題杜少陵畫像爲嚴秀才

永齡作

奉引曾騎沙苑馬遨遊更歷少城闐乾坤尙有草亭在  
錦里先生未是貧

食苦笋

一種駢頭白玉嬰森嚴風味別天成未宜錦席肥甘日  
好侑山厨莧藿羹苦到根株難解脫高凌雲日尚心情  
千叢和雨湘江曲採掇無人品益輕

贈史郡丞笠亭

鳴皋

同年

承明分手悵參商一笑重逢嶺海旁司馬班中今子厚  
登龍隊裏舊鄒陽多才世寶洋州竹惠政人思召伯棠  
便欲市頭買東絹乞君乘興寫蒼篴

聖駕南巡江浙恭紀四首

望幸歡聲遍草萊

六龍行處卽春臺青旗影共陽和動 紫詔恩隨淑景

開南國湖山千倍色東風花柳一時催蒼黎何幸生吳

越四見

天容語笑來

淺草平沙轉 玉輪

慈雲

慧日總如春耕桑盡繪圖舊敷奠重承 禹跡新白

馬潮寧煩弩箭桃花汛不藉芻薪遙知 繡繖香風畔



夾道齊聲祝

聖人

直教民隱徹 天扉風雨星齊拱  
紫微入境問年頻駐輦  
隨方咨岳切求衣 盡知禹德兼勤儉  
難頌堯功到蕩巍一曲潢汾徒快意

宸遊那爲玩芳菲

驂騑騶乘扈千官枚馬同隨豹尾竿星斗下時承

睿藻山川佳處控吟鞍天廻競進迎 鑾曲地近先邀

減澤寬心愧

微臣

違侍從遙從邕管望長安

題吳侍讀雲巖手札後

語笑殷勤夢裏尋醒來愴恨每沾襟墓前定有聰明樹  
世上曾無堅固林文采風流真後逸聲名官職尚浮沉  
錦囊身後收遺句誰似司勳苦用心

悼亡兒桂生

端正人誇好後昆喜親書硯坐東軒生來粗識阿爺面  
死去應依汝母魂

亡室孫宜人以哭兒故隨逝

羸博三號歸異土春

秋一奠寄空門

余以亡兒故買田給定粵寺僧爲供守墳之費

總因我積多生

業不敢呼天輟淚痕

悼亡女滇生

亦以痘瘍

生日故曾嫌耳耳死來難禁淚浪浪背人自習縫紉課

學母初知粉黛香寢地間關經幾燹

女生於滇第  
三日即北行

首邱

寂寞傍灘湘多應不及昌黎女客路重邀祭一場

哭亡室孫宜人

六時牀蓐病相纏一紀衾裯分遽捐卻死故無良藥石

多生信有短姻緣望歸曲苦腸空斷思子臺高眼已穿

地下若須尋伴侶有人相待十年前

元配郭宜  
人歿已久

靈渠

有引

湘灘二水源出興安縣海陽山其北行者曰湘東

南行者曰灘發源之處礮石爲堤以蓄水是曰靈

渠蓋鑿於秦史祿重濬於唐李渤宋范石湖集有

鐔觥詩卽此地也乙酉九月余去桂林自灘江登  
舟泝流而上歷陡門十六級始達其處渠大僅一  
頃許水源如瀑布滾滾從山巔落霄渟黛蓄一平  
若鏡下瞰興安城市如居井底蓋客舟直在山上  
行矣

臨源

興安舊名

鐔觥舊知名一懼秋深弄乳泓縹緲船真天

上坐空明人在鏡中行崖巔竦挂窺泉派鳥下雲開見  
縣城不是今朝犯牛斗歸來何物詫君平

湘江舟中

撇漩捎瀆下百灘桂林渺渺隔雲端暮帆漸見楚天闊

夜雨新添湘水寒  
花石成前元狖嘯  
空舲峽畔赤楓殘  
多情最有衡山色  
千里相隨泛木蘭

浯溪謁元顏二公祠  
遂觀磨崖諸勝簡李七松

蔣明府二首

征橈向晚艤湘湄  
懷古摳衣拜特祠  
勝蹟卽今歸漫叟  
磨崖終古重唐碑  
華星秋月文章在  
抉石奔泉點畫奇  
便似桐鄉奉朱邑  
間闌歌舞寄遐思

三吾亭榭幾經秋  
鏡石寒泉不可求  
能爲江國壯勝事  
共知風雅有賢侯  
當軒碧浸滄浪影  
隔岸紅連蘇相洲  
自是高懷期接軌  
茨塗寧止奉清遊

綠筠書屋詩鈔卷六

聞縣

垂橐集

起乾隆丙戌  
盡丁亥一年

春暮感懷

襤被新從嶺外歸  
江城連日雨霏霏  
到門野水兼潮上  
極浦孤雲帶鴈飛  
三徑荒來蓬藿合  
兩楹莫後寢庭非  
同時被命嚴徐輩  
盡策騏驎向洛畿

孫觀察德和孝愉餉鮓魚賦謝

銀鱗耀日尚晶熒  
貫柳攜將出閣鈴  
去乙旋去聲聞砧几

響受辛先覺桂椒馨  
未成填塹餐杭稻

東坡漢陂魚詩  
香杭飽送如填

塹  
預分飛觥醉醪醺珍重使君分惠意絕勝菜把送園

丁

春暮友人招遊西湖

琉璃千頃漾微風  
畫舫飄然碾碧空  
杖屨討春十里近  
林泉話舊一樽同  
笙歌漫憶前王樂  
詞賦長誇曩詒工  
醉去逍遙塵壚外  
何須杭潁較雌雄

蘇詩未覺杭潁誰雌雄

燈下讀漢書漫成二絕句

董宣布被訣妻孥問遺何由到  
郅都莫道漢家多酷吏  
清風猶足愧貪夫

列鼎鳴鐘起賣漿  
千皮貂貉萬隲羊  
莫嗤若輩爲錢鹵

一半金繒飽曲陽

王根封曲陽侯

林秀才心香

擎天

以許甌香友詩扇月溪迴墨

竹及藍采飲

漣

畫見貽賦謝三首

晉字唐詩二妙兼烟梢露箬暎疎簾風流一老如蕤獻  
斷墨殘綃抵百縑

物外高人藍采飲滄江詩卷世爭傳卽看一慳秋臯筆

不減神仙郭恕先

畫爲江臯秋晚圖

追陪硯席憶髫齡故里相逢各髣髴星不厭無厭願有復

欲從內史乞蘭亭

心香人父吉人先生工書有繒臨蘭亭石刻精甚

移居六首



門戶居然換華圭親除瓦礫刻蒿藜浮雲久出尋蹤返  
倦鳥初歸棟樹栖潘岳面城心自遠龜蒙泛宅願猶睽  
求田問舍吾何敢爲便蓬窓展尺牖

故老傳聞事可誇門閭曾駐大賢車升堂入室吾滋愧

巨棟高甍我已奢朱紫久欽名德里芙蓉還憶舊時花

更憐對宇精藍是好覓湯休共鬥茶

相傳宅爲長樂二劉先生故居朱子

嘗講學於此其地名芙蓉園後通朱紫坊東連法海寺

蕭然家具雜餅罌白犬丹雞也從行婢料米鹽心覺倦  
奴擎囊篋意嫌輕藥鑪茗椀安排審竹簟簾牀布置平  
猶有誇張不貧處縹緲函緇帙架縱橫

鸞鳳鷦鷯等一枝但堪容鄰使伸眉雖慙許伯歌鍾日  
尚勝梁鴻賃廡時梓澤樓臺旋寂寞平泉花石幾遷移  
多生苦愛無餘物待種琅玕傍綠墀

蓋頂先人有敝廬祇愁偃仄礙冠裾三間恰稱機雲住  
一室原難姑婦居卻對秋風懷丙舍猶欣微雨奉輕輿  
燈前循誦新昌句羞澀何堪問俸餘

買閒田

香山新昌新居詩  
張中時餘俸園外

憶別菰蘆侍 禁垣雪鴻蹤跡了無根幾回押券營京  
邸兩度衡文坐戟門陶令賦歸仍北牖杜陵卜宅又東  
屯便思料理烟霞計金粟臺邊老灌園

秋懷五首

涼炎互主客倏仰乃易位君看憚暑心已作悲秋意夜  
來庭葉脫曉岫湧孤翠林蟬咽不鳴沙雁遠初至新沐  
感髮稀覺此頭顱異堂堂成幕景歲月忽如寄

今夕復何夕對此燈燭光瓜果羅前庭兒女喧後堂謂  
言來乞巧束衽祝且禳巧拙性使然誰能移太行轉喉  
求自媚捩手輒招殃斷鶴與續鳬毋乃皆不祥婦言慎  
勿聽覆我手中觴

涼月掛高林流光落窓牖窓中獨宿人攬衣起搔首空  
庭如潑水卧地見疎柳裊裊遂忘寐絡角帶斜斗美人

隔河漢羿濶良已久願借凌風翰歲華及未朽

拒霜亦強名朝榮夕已悴安知結根早不似春花麗黃  
菊節凌秋團團綻軒砌露寒風亦緊縱好歲云逝榮華  
貴及時晷晚念身世

桃李耀春序松筠榮晚冬物材固自異何用懣秋風日

月如跳

平聲

九繫之豈我從生榮沒則已富貴浮雲空古

人骨已朽名字重華

去聲

蒿不見揚子雲執戟一官終

蔡侍御瞻亭

觀瀾

移疾南歸賦贈

我抱鮮民痛君因風病回一人真半爾萬里亦悠哉好  
築安仁室應疎李白杯還期求上藥起蹙待重來

題林丈輪川在峩滌硯圖小像

一規溪玉紫翠斑一泓古水波縈環臨池不書亦不賦

妙意正在無言間平生丹青坐視北壑治菰苑闢榛管

曾爲石君第甲乙屢將蟲篆鐫堅頑

林丈工篆刻喜銘硯著有硯史行世

前身恐是米海嶽鷗波圖裏相追攀

趙松雪嘗作米襄陽滌硯圖唐六如

仿之此圖又

藍本六如 高人由來有奇癖意所快好誰能刪阮孚

蠟屐叔夜煨形雖爲役神自閒想是興酣欲落筆先浣

腸胃臨潺湲不然詩成拂袖起收拾殘墨掩門關一洗

清明發神智再洗是朗開心顏有如烟雲初解駁青蒼

重現端州山應知淋漓墨汁涵淹處定有黑蛟螭蟠上

蟠深灣

初冬邀朱明經和瑑林秀才心香泛舟西湖

空水渺無際悠然清我心綠蓑漁艇小黃葉寺門深騷

體元推楚

朱湖  
南人

詩家首數林歸橈沾薄醉暮色起城陰

上元二首

聞道官符下燒燈慶上元魚龍新戲集簫鼓舊腔翻傾  
市香車出沿湖皂蓋屯華筵供一飽何止萬錢論

冬令雨全斷春宵月後圓花繁看火樹人醉識豐年野  
老占星漢歌場角管絃歡娛雜愁歎把琰意茫然

春日雜詩四首

春風檐外歸發軔自遙嶺豈惟如繫馬已向郊原騁

蘇詩

春風如繫馬未動意先騁

君看園中樹一一豎蒼頡碧有柳與榆紅

有桃與杏小草半無名得氣倍森挺萋萋深谷底鬱鬱層岡頂大哉造化心萬象起衰冷

青陽不可繫繁花復飄散惜哉盛壯年坐閱妍春晚黃金柳虛牝回首安可算豈無來歲日所得匪精悍把玩理誠難耗磨氣爲短君看伏櫪馬筋驚肉亦緩

昨夜春水生門前浴鳬鷗獨居歎無侶散懷聊出遊褰裳背城邑理櫂循汀洲汀洲亦何有蘭杜蔚輕柔仰送孤雲翔俛弄淥水流我友金閨彥遠在天一畝清樽旣

寂寞尺素復沉浮江漢雖云廣泳游亦可求安能守兒  
女戚戚卧樊邱

少日見春樂老來對春悲東君自今古人事異歲時譬  
如聽絲竹或乃累歔歔歔歔亦云徒祇爲達者嗤我有  
不死藥咀嚙非丹芝一服氣象華再服年壽遲不見韓  
與歐千春無盛衰

喜雨二首

雨澤經時缺春霖入夜濡紅催花萼破青蘸麥苗蘇井  
脈新潮上山腰宿靄紆東皇真愛物點滴總勝珠

預喜雲頭重還疑雨脚收愁隨檐滴散響竝漏聲悠乍



濕將雛燕仍呼逐婦鳩扶犁同日出蓑笠滿西疇

湧泉禪寺遍照長老七十壽

無盡門中歲月寬

寺第二層門扁曰無盡門

白毫光護紫金欄少叅

名岳傳心印老爲靈源起刹竿彈指真令樓觀現降魔

要使梵天安卽看手種千松樹已長龍鱗翠影寒

湧泉寺中

經頽落長老至重新佛宇法侶復集

林心香貽端硯賦謝

東坡有三硯自分用已足還憂手先壞長物當誰屬我硯多於公把玩意猶慙尚思致精好未省厭重複君家富翰墨古硯代藏蓄森森多且良包裹秘書簾昨上久

中樓

久中樓名

晤語滕相促檐前樹拂雲架上書連東篆有

漢與秦畫有顧與陸須臾出硯材爛熳射窓旭嫩花泛  
蕉蔥活眼轉鸛鵒黃龍及翡翠次第勞審覆嗟我似窮  
子瓦盆守破屋不採珠林珠安窺玉府玉一枚忽分致  
珍重比荆璞貯以露華清試之易水馥霏霏香霧布益  
益翠雲宿頓洗小齋寒中夜榮光燭

### 劍津夜泊

翠嶂過雲返照明龍津劍氣尚崢嶸渡頭野艇歸鴉集  
城上人家晚火生夜雨乍添丁字水春山惟聽子規聲  
誰能載酒呼狂客一上冷風遣旅情

城南三溪合流名丁字水城中有冷

風閣

溪行阻雨二首

平生馬蹄間意每輕萬里薄遊在鄉國結束聊爾爾豈  
知時事殊況欠風日美五日行三舍蹭蹬真可鄙逆風  
掣我舟驚雷貫我耳懸流走浩浩恠石橫齒齒回首望  
里間羈思中宵起長歌行路難持寄客遊子

羣山瀉飛瀑萬壑爭一谿鬱律不可受彌望無端倪雙

厓狀谿谷高竝百雉齋

順昌有灘曰城門壟

水石兩拗怒千面喧

變鞞噴爲春天濤旋入九地低篙師各斂手踟躕焉敢  
躋共從壁上觀誰施雲中梯我生信多蹇舉步輒留稽

龍湖謁龜山先生祠

在歸化縣學宮右側

絕學承伊水真傳導紫陽道南天啓運星穴地鍾祥經  
術精何鄭儒宗邁董揚心惟憂統緒志早薄軒裳百里  
羈騏驎千尋颺鳳凰惠聲孚兩浙遺愛在三湘薦牘登  
循績清班接省郎未聞相甘傳虛喜召龍黃納牘辭諄  
懇排闥意慨慷纏綿唐陸贄激切漢王章新義尊安石  
餘殃到靖康人心迷燕蝠邪說亂蜩螳配食名誠忝王  
封分豈當風霆飛白簡天日豁青霜大將庸童貫諸生  
訟李綱朝端輕柱石閭外寄貂璫時事關懷獨安危畫  
策長禮雖優汲黯意已失申詳靡謗非無口鴻冥自有

鄉經綸施未竟雲壑道彌光龜阜專祠古龍湖舊宅荒  
粉榆比鄒魯蘋藻傍官墻落日停行李遺風柱瓣香無  
緣容立雪翹首讀書堂

含雲山有先生書室

夏日偕及門諸子遊霹靂朝斗二巖追次宗子  
相徐子與兩先生韻二首

華陽館俯列峯平赤日黃塵到此清甃冷已辭騎鶴客  
亭荒猶聽讀書聲

舊讀書亭已廢今有李氏書齋在碧雲洞傍

迎人石作千

夫立拂袖雲從兩腋生可信仙源在人境萬家烟火隔  
層城

右霹靂巖次徐韻

百道懸流灑面寒蒼崖片片削琅玕坐來天欲無三伏  
到此身疑餌九丹碧落已從巾上接司空圖詩烏紗京  
巾上是青天  
華真向斗邊看更攀絕頂登虛閣短髮飄蕭數整冠

右朝斗巖次宗韻

竹園十咏爲王秀才允青賦十首

竹影軒

阿誰掃虎僕寫此湘枝魄爲想月斜時空廊卧千尺

花陰室

種花百千本紅紫媚晴春豈惟憐色香清陰亦可人

漁歌港

細雨晚霏霏鳴榔響空谷曲終不見人蒼茫山水綠

語鳥巢

蕭齋清晝長苔徑斷人跡時有樹底禽間關破幽寂

香荷汴

田田傾翠蓋簇簇倚紅粧微風動衣袂因之聞遠香

溪聲館

夜來凍雨重溪流曉汪汪企腳溪石上耳清心亦涼

岸容徑

迤邐帶芭籬橫斜架略約最是可憐時煙柳初破萼

山色樓

晴雨乍殊態春冬漸改容是色還非色應知色本空

松韻亭

高松貯清風涼吹自吞吐  
濛濛邃谷濤陣陣晴天雨

鐘聞閣

不見煙中寺惟聞雲外鐘  
菩提珠在手一一記春容



綠筠書屋詩鈔卷七

閩縣 葉觀國 毅菴

瀛洲三集上

起乾隆戊子三月盡己丑一年

先大夫服除還 朝二首

衡茅棲未穩，倏踏征塵尚。  
有尸饗母難，爲誓墓人關。  
河京路杳，書硯客裝貧。  
惆悵春暉遠，臨岐淚滿巾。  
解纜循遙浦，鳴篙上曲灘。  
溪山吾土好，道路此間難。  
古樹貯晨靄，空江生暮寒。  
九仙回首望，已隔碧雲端。  
黃丈莘田以端石硯贈行賦謝奉寄二首

一片谿英琢水蒼，琉璃製匣錦爲囊。  
親從詩老齋頭餉

猶帶蘓黃墨瀋香

仙令親按三洞材銘詞片片賞清裁此君雖未經題品

也友高軒十硯來

東坡謂研爲石君黃丈所居齋曰十硯軒

自浦城縣至清湖鎮道中襍咏四首

嶺屬岡連降復登  
輿坐倦半憺騰  
迴溪帶郭流如篆  
細磴盤雲路似繩  
花落故園春樹暗  
雨餘山店暮寒增  
舊題壞壁猶堪覓  
霜鬢重來意豈勝

檐間鳥語報新晴  
遠樹曛曠湧曉鉦  
崖際天紳斜更整  
雲中佛髻翳還明  
一犁雨足秧針長  
半嶺風來粥鼓清  
獨戕喧厖雙澗水  
焚回猶似怕灘聲

甌越東西一嶺分，護防險塞有雄軍。  
關前青蹙聞天岫，鳥外陰連浙右雲。  
天雨庵幽開竹徑，沆霞池古樂魚群。  
勞塵暫喜依禪榻，倦僕催行日又曛。

嵌崟度盡就平阿，卸馱匆匆嶺日矧。  
估客帆檣烟水濶，墟人門巷米鹽多。  
數聲畫角傳雲堡，一點青霞露黛螺。  
青霞山在衢州此去下瀧雙槳穩，春江遙接海門波。

西湖小泛六首

琉璃千頃曉雲涼，翠館紅亭倚淼茫。  
恠底湖山添氣象，龍鸞處處奉宸章。

花港東偏葛嶺西綠楊萬樹下成蹊古人何事令平人  
記爭道蘓隄又白隄

一簣孤山曉髻新四圍漲玉淨無塵如何月地雲居勝  
偏讓妻梅子鶴人

棲霞祠畔鬱楸松路轉三台宿草封一對芳墳何所似

南高峯與北高峯

岳墳在栖霞嶺  
墳在三台山

不須深淺論愚賢

東坡詩西湖天下景遊者無愚  
賢淺深隨所得誰能識其金

雙槩

匆匆也蹶然廿載重窺西子面勾留何計住三年

香山詩一

半勾留是此湖又詩  
皇恩只許住三年

金樽玉管日紛紛浪藥閒花自作群一棹擎空誰是伴

欲携李甲共蕭耘

瘥疾

虛羸疔鬼擾天和酒殘拋來近藥籬吳苑鶯花愁裏過  
楚江風雨臥時多三年求艾醫無驗五月披裘病有魔  
便欲回船趨歸鳥長安天畔隔滄波

淮陰咏古五首

勝下橋

帶劍空長大心甘勝下侮如何尊寵後羞與噲等伍

千金亭

千金酬漂母百錢謝亭長天壤一勝公功高若爲賞

淮陰祠

蒯生但相背未識韓侯心  
哀哉萇宏血化作朱草深

劉伶臺

出門長荷鍾閉關時枕麴  
千載有遺臺平生一頌足

徐夫子廟

隻輪躬奉母純孝可錫類  
猶傳似王肅三反有其二

見坡

公和詩  
小注

咏隋史六首

維揚舟  
次作

踵接屠耆帝業尊魚龍散  
樂集端門諸蕃盡詫中華好

錦樹重重向日翻

三山海面踣平砑綵樹長春嶼玉窓十六院門臨水啟  
絳仙風貌更無雙

法曲新翻教玉娥夜遊唱罷月明多豈知別有悽涼曲  
飄蕩楊花可柰何

平壤孤城薩水隈九軍飛渡勢如雷何曾繫得高元頸  
早有黎陽羽檄來

四十離宮敝繡薨洛城東下更蕪城自從元武門前火  
遺恨丹陽住不成

邂逅雞臺聽曲時紅梁新醞酌瓊卮匆匆大業無窮事

更待才人爲拾遺

顏師古作大業拾遺記

出塞圖爲李明府

翼之

賦

其尊人坐  
事戍塞外

君不見安西西去玉門關  
秦時明月猶團團  
河邊萬古雪痕在  
塞上八月霜草乾  
行人到此魂欲斷  
渭城一曲餘悽酸  
何況出關更萬里  
黃雲覆路天漫漫  
問君胡爲涉此地  
非征非戍非之官  
欲省所生賦陟岵  
千山隻影行蹒跚  
我聞大漠乃在居  
延北平沙浩浩黏  
天寬有時風捲沙  
作雨隔面不見襟  
與冠其間小處號  
旣脫人稀誰與謀  
壺餐况復不周風  
氣勁望秋已作窮  
冬寒攔頭雪花大  
於掌落地化作山  
嶺岼豈無復陶與  
創頰排籤十指如  
刀刺鳥飛不到馬  
亦病君心耿耿殊  
未闌但望



孤雲俱雲往不辭長道歌道難拂廬一見骨肉聚喜極  
飜落雙沈瀾買牟取酪供春酒椎牛作餽登朝盤回頭  
卻望來時路得非兩腋生飛翰嗟君篤孝似者少壽昌  
路隋差同看至誠感天天爲動移孝作忠忠必殫曾見  
賜環來日下春回草綠扶歸鞍

奉題蔡大司寇葛山先生觀海圖小像

夏蟲語水疑井蛙見天小秋河意自壯向若乃驚掉誰  
云雲夢寬八九吞可了至哉孤氏言觀海可喻道我邦  
號海國委輸納群潦漳南直尾間涯涘益茫渺戔戔太  
武山千仞聳雲表憑高一縱目天水兩浩浩潮鷄鳴夜

半日出樽桑杪紫瀾燭眉髮城市方未曉涵負結靈氣  
篤生見奇矯先生實挺秀軒鶴謝凡鳥緬昔文勤公正  
學獨遠紹淵源溯濂洛章句陋賈趙青雲繼仲容堂室  
叩深窈履聲三殿識鳳彩九苞皎文章乃餘事勲業况  
未老曩歲屬循陔杜門跡如掃陶情山水窟遵海仰晴  
昊滔滔寄胃臆汪汪想懷抱末學昧源流自待一何藐  
坳水期重負斷潢事孤討豈信九州外更有重瀛淼持  
蠡測尋丈谷王應絕倒披圖寓意深宏義試探考不比  
學仙輩蓬壺慕三島

秋日何少宰念修同年招同人集陶然亭二首

重拂征塵到上頭清樽禪版記前遊等閒歲月奔輪似  
一別春明七度秋

霜林簇錦瞰楓灣合沓晴峰擁髻鬟秋色較如春色好  
臥屏新染郭熙山

跋蘓文忠公清虛堂墨蹟爲周奉常立厓於禮

同年賦

坡公詩才授之天餘事書翰猶雄妍往往醉中供硯墨  
一一紙上飛雲烟吾不善書雖自道人云工此良非偏  
吾雖不善書時人謬說云工此皆坡公句卽如此卷勢豪縱字字龍躍鸞皇  
蹀紫蜺鋪茶餅瀉酒玉沙聲裏題銀箋神呵鬼護歷百

系全言金  
劫巧偷豪奪經幾傳太常嗜古入骨髓見之絕叫喜欲  
顛訂訛考異詳甲子庀材礪石付雕鐫由來搨本襍真  
贗金蹠玉蹠空輝然櫟痕依約冒官帖東木傳刻非神  
全學之不善失故步黑短醜反誇嫵媚吁嗟神物晚乃  
出真當再拜墨皇前

秋日襍詩十首

時在都下  
候補官

閒門兩版閉蕭晨冗士初來寄病身曉漏未隨龍尾路  
軟紅又踏馬蹄塵夜窓擁鼻招吟侶秋氣關心是旅人  
僂指落帆通潞日兔華圓缺四回新

觚稜朗晃耀晴空玉宇高寒瑞靄籠北牖追涼新宅爽

西山入座故人同揚雲事業元無用王武行藏本不工  
夜裡秋聲還可賦爐灰盡罷一燈紅

散策閒尋古剎幽霜螯正美酒初筍澹雲白塢郊西路  
細雨丹楓塞上秋往事屢循新髮髮歡場時憶舊朋儔  
次公已老車公去狂態年來少減不

奔輪歲月去堂堂又換綿襦履曉霜七載重沽燕市酒  
千金空憶陸生裝縹緲烏几書三篋薄被踈櫺月半床  
夢斷絀如聞漏鼓誤驚趨 闕倒衣裳

向夕長廊散步遲砧聲清切動涼颼一繩賓雁初辭塞  
三匝樓烏未定枝秋意到門桐葉覺客心中夜砌蟲知

朝來買取黃華好，卻憶東臯舊短籬。

霜華未散日鉦懸，照見先生企脚眠。  
曉市聲高偏近枕，秋庭陰短易過鞭。  
彭殤歲月知誰壽，臧穀生平定孰賢。  
若就閒忙論平聲得失，閒中風味我爲偏。

郭外高臺秋可登，平章風月古人能。  
欄花檻竹栗院使，載酒題詩廉左丞。  
蟋蟀吟陰原有俟，鷹鵬摩翮豈無憑。  
欲因九日茱萸會，一踏來青最上層。

嚴徐同日拜黃麻，玉尺分持代及瓜。

時更換學差

重選諸公

經

帝簡前塵賤子憶，雲槎官樓夜對滇。  
池月盡舫春吟桂

嶺花彈指十年霜鬢髮雪鴻蹤跡落天涯

薊門直北萬峯圍瘦馬凌兢度翠微衰柳黃如新柳色  
霜華寒借雪華威迎鑾輦路鷓鴣行集校獵神皇羽騎  
歸欲獻長楊慙子墨彤雲翔處望龍旂  
檐間餘滴弄新晴斗室閒觀見物情帶露殘蟬多羽調  
闕人老樹少商聲風寒盧水波痕減霜落津門屨氣明  
却喜書齋省綠撲窓蠅就凍帳蚊清

出郊

跋馬東郊路新晴雨氣涼高樓秦氏宅翠竹贊公房野  
濶雲垂地齋幽水上堂小航來往闊風景似江鄉

題周奉常亦園圖卽次奉常元韻

蘭亭無絲竹暢叙幽情亦子山本蕭瑟小園聊自闢吾  
儕其淡泊耿耿介不易側聞奉誠園舊爲馬家宅林亭  
如傳舍主人身是客

香山詩心是  
主人身是客

懷居終敗名任運信

良策萬間固有願一枝行可適嗟我老逾貧矮檐容片  
席長安居不易屋券債常責半歲已兩遷緣盡隨拋擲  
平生似磨驢瑟縮畏人識太常有道人昌志恥梳澤眼  
覩古今與心空電電跡躬營園一區未暇筋力惜縱橫  
得笏十宛轉爲弓百種竹經雨霱開徑來三益家有寧  
馨兒課訓匪迫逼盤陀晚踞坐舉杯酬月魄

四句皆由  
圖中景出



來大千界淨穢從所擇奚必擬平泉樓臺勢烜赫長笑  
李將軍別業煥金碧何曾一載酒冷面看人赤

東坡詩  
冷面妬

赤君

題譚郡丞敬齋

有德同年小像三首

繡榻晶簾硯几俱文書判罷小跣趺風光絕似西泠畔  
萬柄青荷十里湖

曲江宴席看花同年少髣髴玉筍中廿載金臺重把袂  
樽前齊羨美髯公

三異循聲遍嶺涯除書新下拜  
龍墀頭銜換了翻簫  
散倍有心情賦荔枝

綠陰春泛圖爲郭明經可新

文煥賦三首

一篙新綠欲平堤  
畫舸相將日未西  
最是江南好時節  
襟花生樹亂鶯啼

有例詩人愛討春  
聽鶯載酒趁閒身  
披圖省識先生面  
一領君家折角巾

畫家平遠最難工  
好手楞伽自不同  
也擬鶯溪買生絹  
憑君著我尺圖中

圖爲盧蓮麓明經所作

五十初度二首

寥泚秋光攬揆辰  
樽罍聊慰客中身  
百年今歲行剛半  
九日明朝節又新  
綵筆尚能賦鸚鵡  
金韉未怯跨騏驎

同儕拍手盧胡笑此老癡頑似勝人

銀燈圍處儼成翁

東坡詩人生五十卽稱翁

少壯光陰轉轂中莫訝

官班分冷熱

樂天詩豈論官冷熱

應知甲子有雌雄旌麾已覺賈

臣貴詩句誰如常侍工

二句皆用五十故事

等是虛名煩較量顏

然且醉菊花籠

送孟郎中瓶庵

趙然

視學蜀中二首

陶甕在手鏡懸心一道文星益部臨劍閣撐空連井絡  
峩山飛翠落江潯蕩囿行處雲生棧絳帳開時月滿襟  
樂職諸生方講德使君况有度人鍼

濯錦江邊錦段多合教宗匠管機梭湘灘舊節傳永鑑

梁益新麾拂翠螺一半詩篇成道路三千卷牘費研磨  
知君行部饒清興獨上凌雲縱醉哦

移居簡張侍御健堂

光憲

四首

一車家具兩車書半歲京華再卜居生事年來轉迂拙  
當時近市有吾廬

余嘗買宅宣武門外今已屬他姓矣

虎圈東頭煤市西門臨大道舊沙堤緬懷先輩瞻梁木  
拂拭空堂檢燕泥

宅爲安溪相國舊第時少宗伯郁齋先生視學兩潮故余得賃居焉

堂開北戶面層城雙闕紅雲對檻明  
怡共離根葵藿似朝晡長向太陽傾

團團樹影兩家分風度書聲隔院聞  
此是邠城新割宅

買鄰何幸得如君

宅分爲兩所西偏侍御居焉

題湯給事對松世昌同年臺端就日圖小像二

首

西掖曾吟竹影寒，皂囊舊草在臺端。如何鳴鳳朝陽客，

不着神羊柱後冠。再黜也知中有鬼，同朝猶望起爲官。

少陵詩子雲清自守，今日起爲官。披圖窺見先生意，未減輪囷一寸丹。

憶持繡斧渡南溟，海外番黎識使星。秋水共知心跡白，

春苗曾羨鬣髯青。哦松有興科頭慣，給事自號對松，今此圖亦作蒼松數

株種秫無資醉眼醒。蚤晚

聖朝徵郭杜，肯容寥落老江汀。

綠筠書室詩鈔

卷七

十一

次張少詹樞亭曾做同年韻再題湯給事像

黃門蚤歲妍羣雅探懷綵筆追江淹萬言射策達  
陛五年中秘繙芸籤是時同儕盡少儁矜稜凜鬚鬣  
鬣諫垣首先膺

帝簡

同年改官侍御者十六人君爲先

長身鐵面承修髯行避路人想

桓鮑書陳世務比終嚴可憐騏驥正騰踏頓刃乍缺昆  
吾銛丰裁固異立仗馬功名卻似綠竿鮎兩年鸞渚雖  
再人席未終煖突寧黔掉頭出都留漢上客窓紙破秋  
風搏鏃翎跡已遠 魏闕苞羽性自親朝暹昔人一斤  
輒自廢顏唐詩酒杯頻添君才卓犖醫國手肯耽糟麴

持螯箱誰與意匠寫生好母乃老手博陵閭

哭戈給事芥舟濤同年二首

言中謀猷動中經姓名天上久書屏百年隙馬歸長夜

萬里靈槎失使星

時方典試閩中

賈傳南荒成鵬賦元卿西麓

署宮銘

使回至常州卒

蒼皇未竟壞材用鏡裏猶看髣髴青

七年風雨悵離羣各有詞篇擬子雲計至獨傷亡郢質  
生時相約定傳文封章慷慨推中壘遺墨淋漓重右軍  
太息晨星同輩少秋城鄰笛那堪聞

次韻丁給事芷溪

田澍

同年正月五日至八日

雪用禁體二首

浙浙窓紗際夜明曉窺庭院轉盈縈應時甘澤春疇遍  
獻瑞正元淑景清昀隰瞻巖光互映隨車逐馬象齊呈  
瓦盆滿酌村農賀姑射先來報歲成

作賦梁園我尙堪龍團碾就試清甘香塵細颺天街六  
花片平鋪廣殿三甲帳圍爐寒轉峭辛盤燒燭酒初酣  
興來遙指西山路詩思還從馬上探

題彭明府樂園春郊聽牧圖小像二首

桐帽莎衫趁曉晴半尋春事半觀耕却欣柳外無腔篴  
勝聽花閒解語鶯

聞說牧民似牧牛知君寬政有天游吠龙卧了烏犍健



軟草鬆繩總自由

題郭明府六宰詩集二首

七子聲華首李何淮壩大復名山尙嗟峨嶻不遠能私

淑又見新編俊語多郭信陽人余

八載栽花澧水潯湖光岳色拓胸襟一篇古意親騷雅

信有江山助嘯吟集中呈龔醇齋觀

題馬提督負書小像四首

新息威名遠近知鄂褒毛髮見雄姿穿楊盤馬天顏

喜尙記螭坳首唱時

三十登壇

主眷深羊公遺澤在人心便從東海移南海總有隨車

雨作霖

公初鎮山左調任閩中

至性平生識孝忠洛濱侍從古人同蓬萊況是神仙宅  
何限春暉語笑中

緩帶優游際

盛時景宗元自解聲詩傳聞十里清源

路著處紗籠幼婦辭

次韻丁給事病中作

暮歲崢嶸雪意侵幽人抱疾擁重衾名僧退院依彌勒

廢將閒園卧綠沈解道是貧元壯語

用貧也非病語

似聞良藥

只安心

蘇詩安心是藥更無方

知君無那燒燈節拋却春宵幾刻

金

次韻丁給事攬鏡

靈運元爲有髮僧病來鬚髩想髣髴花枝頭上新春好  
黃氣眉閒舊日曾莫歎衰顏成老大須知曷鼻會騰升  
因君自驗虺隤未白羽西涼我尙能

送張郎中蒙川孝泉同年出守南雄次留別元  
韻二首

嶺外名山數謝公雙旌南指意匆匆畫轡領郡饒公望  
華省仙郎簡

聖衷琴潤曉飛丹荔雨衣香晴引玉梅風知君美政漁

陽似雨穗歌傳叱犢翁

山城吹角畫樓雄雲際危關鎖粵東燕寢爐香情自遠  
梅花驛路思何窮三楓亭上傳新咏五渡村邊採舊風  
若向雲封叅六祖炷香爲我發遊蒙

雲封寺在大庾嶺

題蔡先生

可遠

遺像三首

少宗伯文勤公季弟康熙甲午舉人官桐

鄉令

名儒循吏譽兼收霽月光風道貌留見說桐鄉諸父老  
如今不獨祀朱侯

戰勝紛華道氣深季通家世冠儒林難兄更有元方在  
贈語如銘復似箴

不緣簿領廢編摩散帙衙齋政自和可信柴桑無俗韻  
蕭蕭風竹北窓多

讀北齊書六首

義旅雷轟起廣阿鄴城青雀又如何到頭還有無窮恨  
都付匆匆敕勒歌

高竿百尺信強梁誰與亡韓作子房倉卒栢堂濡血日  
燃燈才得片時光

無愁新曲按琵琶鏡殿沈沈日易斜滿酌清觴不辭醉

臨風玉貌有黃花

後主穆后  
小字黃花

校獵天池萬騎飛平陽烽火照宮闈也知羽檄非常事

明旦難辭更一圍

百戰勲名虎氣騰  
涼風遺事恨填膺  
無端榘樹摧殘了  
不怪高山不自崩

龍文駒齒許誰儔  
造膝區區社稷謀  
若向嵩陽遂高隱  
不教殺斃角生頭

題顧明府牧堂

駟

吟草卽送其赴麻城新任

君家老著作粲粲江南英

唐顧逋翁况官著作郎

稱詩大歷閒盧

李實齊名踵秀匪一賢  
君復光前聲文瀾羅武庫  
詩壘

屹長城  
緬懷結識初嶺外  
欣逢迎寒溫語未了  
臭味心已傾  
誦君琳瑯句齒頰餘琮琤  
別來五冬春燕市重班

荆入門攬鬚髯各怪顏面更示我百篇詩爛若堆瑤瓊  
雲機翠織錦中蟠掉尾鯨噦噦孤鳳吟衆竅徒詈譁疑  
有風胡手鑄此百鍊成如皐騷雅敷水繪傳餘清多君  
吟侶盛宛見題襟情我詩本無法牛鐸時彭鏗低頭拜  
謝公傑句人天驚何當共晨夕攻我心目盲君今應官  
去驪駒曉已鳴齊安古名郡臨臯秋月明坡仙舊遊處  
山色空崢嶸知君高興發不受簿領撓詩成儻寄我有  
倡吾當賡

七夕

看具圓方綺席陳樓頭娟月一梳新牽牛此夕真僊倖

何限河梁悵望人

題顧明府秋林獨步小像三首

才地江東數顧榮  
騷壇幟纛最崢嶸  
卽看倚樹沉吟意  
可是哦詩句又成

桂管歸來石載船  
囊琴又向楚江邊  
平生脉望耽書字  
偶復閒行手一編

鵬鷃經霜刷羽毛  
黃州木落衆山高  
看君老樹凌秋意  
不競春條豔李桃

寄沈運使欽伯杖同年

京國分襟十載新  
肯嵐迢遞隔音塵  
薰風愜解鹽池熟



卹雨膏深黍谷春書至知君霜鬢髮

來書有鬢髮半白之語

年來

念我飽酸辛金臺重問同袍侶大似明星夜向晨

題胡觀察雲坡季堂竹陰獨坐小像二首

寒玉森森捲露銀盤陀危坐小齋新十年不見勞延佇  
一向橫圖對故人

幾載金臺共素心每從休沐盍朋簪此中若寫同襟侶  
便是山王舊竹林

喜徐太守鄰哉良至以詩就索書翰

桂嶺分襟五歲寒軟紅重踏向長安中書雖老能揮翰

太守舊官中書

太守長貧蚤掛冠禪榻茶烟消永日金蹠玉軸

攬奇觀

太守寓居法源寺余訪之便從內史求真蹟不盡出其所題跋諸卷見示

要黃庭榻本看

秋日周大理立厓招同蔣編修千之

良騏同年

小飲聽雨樓次東坡先生清虛堂韻

六街滾滾揚塵沙達官騶從初放衙幽人喜見折簡至  
似記昨夜燈生花聽雨樓依宣武畔度書庫似鄴侯家

入門主客三人共來慣不噪棲林鴉

反用坡公夜走清虛宿扣門驚鵲翻

意

嫩玉新分上番聲

去竹細釘微坼東籬葩脫衣落幘徑

取醉醉熟更醒呼茗茶不覺紗燈閃閃暗已聞街鼓繁

繁搗回思平時闔戶坐文字久覩勞搜爬癡蠅穴紙蠅

負殼終日悶默徒咨嗟誰能似君常飲我魂無長珮凌  
飛霞

蔣千之編修招同羅侍御徽五典周大理立厓  
兩同年小飲再次清虛堂韻贈編修

萬人生身埋泥沙正坐東方溺殿衙

本昌黎讀東  
方朔雜事詩

異時

長怪韓夫子狂言驚衆罪天花文人掉舌無不可詎必

詩禮繩儒家編修軒軒老鵬鸚肯覩搜肉荒田鴉有時

抗論破語阱如啓夕秀披朝葩徐邈每中聖人酒汲黯

正似君子茶

東坡詩建溪所產雖不同一天與君子  
性縱復苦硬終可錄汲黯少憊寬饒猛

我拙且懦百無用閉門往往思自撾鸚鵡翅短撿撿起

蟾蜍脚鈍緣沙爬聞君快語心眼豁長言不足還咨嗟  
平生有口作何用但從君飲斟流霞

生日李上舍咸豐

光垣

辱詩爲壽次韻以酬

廿年簪筆廁清班素食長慙職守閒  
寵命幾番充使節遊蹤真欲遍人寰  
夢其夢笑半生妄材不材居二者  
閒回首兒時似初日高春今已近西山

### 客懷六首

客裏時時問盜儲幾回彈缺歎無魚  
正平但自從文舉鍾毓何曾識魏舒  
晚倚清風修笛譜閒消長日勘醫書  
窓前飄蕩楊花影自笑生涯欲類渠

簾閣涼生雨氣新綠陰青子景宜人客從昨歲投三館

夏入今朝又六旬纂纂棗花垂屋重田田荷葉貼波勻

近傳到處飛甘澍好爲蠻鄉洗戰塵

時方征勦緬甸

筋力初衰輩行

去聲

陳逢迎懶慢岸冠巾眼中高樹垂垂

老塞上晴雲片片新犀首正當無事日押衙空作有心

人晚來洗殘邀明月花似紅粧草似裀

閒來辜負好年華折脚鐺邊自煮茶八尺風漪新事業

一盂盞粥舊生涯拳毛久已慚騏驎袖手誰從別鑊鋸

剩有雄心托何處漁陽三弄醉餘撾

東華重到踏鬆紅壯歲風光昔夢中海燕尋春同社散

林鳥覓樹舊巢空

余舊有寓宅在宣武門外今已售他姓矣

因緣休問三生

石意緒渾憐半死桐

郭孫兩宜人久皆謝世

洗足掩門奚所事年

來彌勒一龕同

作繭悠悠未有期  
蓼蟲食苦許誰知  
心如風燭初降日

身似江舟不繫時  
成佛已慙靈運後  
學仙終笑遠遊癡

吳遠遊北宋人  
屢見東坡詩集

尙餘一着昂藏處  
待策吟功替左司

哭何少宰念修同年七十韻

黯慘中台圻嚴凝朔雪麤

公卒之日  
嚴寒雪下

平生知己喪衰老

素心孤折訝擎天  
柱摧憐拔地株  
撫棺紛涕泗述舊重

嗟吁總角同鄉校  
傳家並宿儒  
定交投編紵校藝指瑕

瑜崔杜鞭齊下曹劉軌共扶書林扶根柢文苑闢荒蕪

入腕驚風雨探懷滿貝珠名希唐代傑才薄邾家奴利

鈍雖難槩余弱冠舉拔萃科公心艷之既而公以甲子舉於鄉先余一科要盟總不渝

先飛鵬避鷄同阜驥陪駑結伴遊京洛揚舲過越吳拍

肩文共賞交躡席連鋪吟苦箋頻擘談深酒屢沽風沙

鄒嶧路人海帝王都杜甫生平拙揚雄意趣迂投人

懷漫刺守獨抱奇觚氣盛昂頭各時乖點額俱去留辭

樹葉南北趨風鱸戊辰下第後公入秦中余遊江右退鷁翎重刷寒魚

沫再濡辛未春試復與公同居三條酣戰螳一擲竝成盧粉署君

判牘瀛洲我濫竿朝衫量體製華綬貼腰紆性懶稀攀

附官新慎步趨歷蛩常互倚鍼石正相須衣共裘雙領

居分宅一區連姻歸犯夜竝馬出侵晡悶蕝麻姑酒閒

投玉女壺近郊聽鳥哢破寺剔龜趺春色頻催柳秋風

幾落梧情親忘客旅意合少齟齬萍聚原難久蓬飄信

不誣君歸悲枕由我出忝分符乙亥冬公以外憂歸里明年秋余奉命督學

南蹤跡從茲左升沈向後殊蕩舟移嶺嶠繡斧莅湘湖

壬午秋余復奉命督學粵西公亦於次年出江右監司提刑楚南

帝重明刑呂人稱敬獄蘇封隣連斥堠誼密託葭莩時與

公聯婚姻之好健鶻方摩漢飛黃忽陷塗長沙隨見召公治本

非辜公以寶慶守王君懼罪自縊事牽連去官畫省資清望東曹實要樞郎



星仍就位

天文志郎位十五星

卿月旋升衢

公以選郎擢少司寇旋晉少宰蓋異數也

際遇

聖天子班資上大夫甄才接夾袋鑄物待洪爐整峻名

臣度恢宏佐國謨傾心遍槐柳加額况枌榆屢辱三秋

鴈方號五夜烏

余於乙酉奉先大夫諱自粵西歸里

閒雲戀松桂舊雨記

菰蘆來念千山遠別看七載逾樽前輪肺腑燈下攬髭

鬚戶大因懷暢軀豐識道腴肯誇韓愈貴

悔聖俞詩孟不改貧韓漸

賈詎笑伸舒愚榮悴機潛伏悲懼事不虞乍看懷抱惡

漸恠面龐癰孟浪針砭雜蹉跎歲月徂羸深移帶眼卧

久閤鞅紉力疾猶修職懷恩敢告瘖漏舟聊補葺傾

厦費支吾閱默看慈母低徊顧弱孥日頽難挽繫電滅  
祇須臾苟偃含猶視臯魚淚欲枯百身誰爲贖一寐竟  
難呼縱悟浮休是能齊夭壽無可憐頭正黑尙記體如  
瓠官達奚禪也地靈如是夫福州自國朝百餘年來無官侍郎者彩雲  
元易散直木果先列身後文誰訪他時墓可詼精靈寄  
箕尾尸祝在衡巫往事傷鸛鶴歸途憚鷓鴣底須聽鄰  
笛如縆淚堪斟